

淳化中李順叛蜀瓊往夔峽擒賊招安領兵自峽上與賊遇累戰抵渝合與尹元裴莊分路進討克資普三州雲安軍斬首數千級詔書嘉獎遣使即軍中真拜單州刺史至道初召還共職明年徙知霸州兼鈐轄未幾改防禦使靈慶路副都部署河外都巡檢使賊累寇疆瓊固捍有功導黃河溉民田數千頃敗賊於合河鎮北擒獲人畜牛馬多賊騎五百掠城下繫破之追北三十里並賜詔嘉諭

王濟多才

宋史

王濟字巨川太宗雍熙中上書自陳得試學士院補龍溪主簿累遷工部員外郎兼侍御史受詔與劉綜改定茶法頗易舊制由是忤丁謂輩四年拜本曹郎中出知杭州郡城西有錢塘湖溉田千餘頃歲久湮塞濟命工濬治增置斗門以備潰溢之患仍

以白居易舊記刻石湖側民頗利之睦州有狂僧突入州解出伏言與轉運使陳堯佐按其實斬之上嘉其能斷

鄭文寶平

亂宋史

鄭文寶字仲賢太宗太平興國八年登進士第拜殿中丞使川陝均稅次渝涪聞夔州騷武謀亂乃乘舸泛江一夕數百里以計平之授陝西轉運副使許便宜從事會歲歉誘豪民出粟三萬斛活飢民八萬八千口既而李順亂西蜀秦隴賊趙包聚徒數千將趨劔閣以附之文寶移書蜀郡分兵討襲獲其渠魁餘黨殲焉

王彬鉅強

宋史

王彬太宗淳化三年進士及第歷知撫州民李甲饒英恃財武斷鄉曲縣莫能制甲從子嘗縣令人告甲語片乘輿彬按治之

索其家得所藏兵械又得服器有龍鳳飾甲坐大逆棄市并按英嘗疆取人孥配嶺南州里肅然

寇準治以恩信事文類聚

寇準字仲平宋太宗時知歸州巴東縣其治一以恩信每期會賦役未嘗出符移惟具鄉里姓名揭縣門而百姓爭赴之無稽違者

吳奎治京師大豪事文類聚

吳文肅公奎明於從政宋太宗時歷兩郡皆著治稱及領京師富人孫氏京師大豪商確財利負其物者至評取物產及其婦女發其宿罪徙之遠方女家偕歛手聲聞赫然

張雍固守宋史

張雍太宗時知梓州淳化五年蜀州青城民王小波李順作亂

衆至萬人雍訓練士卒得城中兵三千餘人又募疆勇千餘守城輦綿州金帛以實帑藏推官陳世卿治戎器掌書記施謂推監院判官謝濤伐山木為竿銷錮鍾為箭鏑紐布為索守械悉備遣推官盛梁請兵于朝未幾益綿邛彭漢州永康軍悉陷于賊順入成都僭號大蜀王勢甚盛遣其黨楊廣將十萬衆寇劔門相里貴帥衆十萬圍梓潼雍與監軍盧斌登堞望之賊所出兵皆老弱疲憊無鎧甲斌笑請開北門擊之雍曰不可賊或詐見老弱設伏伺我又城中吏民心未定脫為伏兵所突則墮其姦計非良策也言未畢果有卒依敵樓呼嘯與外應和雍亟斬以徇賊大設梯衝火車晝夜鼓譟攻城益急城中大恐雍命發機石碎之火箭雜下賊稍退復治攻具城西北隅雍給曰軍士趣治裝吾將開東門擊賊陽遣步卒五百臨東門賊升牛頭

山瞰城內信然伏精兵萬餘山之東隅以待我雍即召敢死士百輩縋而下盡焚其攻具自午達申殆盡賊以為神凶黨數乘城進戰皆不利一日北風晝晦賊乘風縱火急攻北門雍與盧斌等領兵據門立矢石間固守不動賊為之少却長圍八十餘日會王繼恩遣石知顛來援賊始潰去遣施謂入奏上手詔褒美之

王德用擒賊 宋史

王德用字元輔太宗至道二年擊李繼遷德用為先鋒隊伍甚嚴累遷內殿崇班以御前忠佐為馬軍都軍頭出為邢洛磁相巡檢盜張洪霸相聚界上更不能捕德用以氈車載勇士詐為婦人飾過邯鄲賊果來邀勇士奮出悉禽之徙督捕陝西東路盜賊相戒曰此禽張洪霸者皆相率逃去

陳恕權豪 宋史

陳恕字仲言太宗時遷工部郎中知大名府時契丹內寇受詔增浚城隍其器用取於民者不時集恕立檣府中大象一人會將吏將斬之宗族號哭者佐殺前請救大豪叩頭流血請翌日集事違期甘死恕令械之以徇民皆恐慄無敢後期者數日功就

張詠化賊為民 宋史

張詠太宗時知益州時李順構亂王繼恩上官正總兵攻討頌師不進詠以言激正勉其親行仍盛為供帳餞之酒酣舉爵屬軍校曰爾曹蒙國厚恩無以塞責此行當直抵寇壘平蕩醜類若老師曠日即此地遂為爾死所矣正由是決行深入大破克捷繼恩帳下卒縋城夜遁吏執以告詠不欲與繼恩失權即命

繫投胥并人無知者時寇略之際民多脅從詎移文諭以朝廷恩
信使各歸田里且曰前日李順脅民為賊今日吾化賊為民不
亦可乎

王漢忠所部無盜 宋史

王漢忠字希傑太宗時出知襄州為左屯衛上將軍有識略軍
政甚肅每行師詰旦必行香祝曰願軍民無犯吾令違者一毫
不貸故所部無盜

王濟救焚獲賊 宋史

王濟字巨川太宗時遷光祿寺丞改通判鎮州牧守多勳舊武
臣倨貴陵下濟未嘗撓屈成卒頗恣暴不法夜或焚民舍為盜
一夕報有火濟部壯士數十潛往偵伺果得數輩并所盜物即
斬之馳奏其事太宗大悅

張佖平寇 宋史

張佖字仲雅後徙華州渭南少有
習儒業獻文求試換國子監丞遷
縣太宗端拱初為太子右贊善大

補殿前承旨以
三白渠知涇陽
被誣殺人者詔

往按之發擿姦伏寃人得雪真宗咸平初擢為陝西轉運副使
賜緋魚至延安遇夏人入寇親督兵擊敗之後夏人來寇佖率
兵與戰親射殺首帥俘獲甚眾餘黨遁去詔書褒之賜錦袍
金帶

張詠聽民以米易鹽 事文類聚

宋真宗淳化四年命張詠知成都公至府問城中所屯兵尚三
萬人而無半月之食公知鹽價素高而廩有餘積乃下其估聽
民以米易鹽未喻月得米數萬斛軍中喜而呼曰前所給米

皆不可食今一一精好此翁善幹國事者

章頻字簡之真宗時與弟頓皆以進士試禮部預選會詔兄弟

母並舉頻即推其弟棄去後六年乃擢第知九隴縣遷殿中丞眉州大姓孫延世偽為券奪族人田久不能辯轉運使使按治之頻視券墨浮朱上曰是必先盜印然後書既引伏獄未上而其家人復訴于轉運使更命知華陽縣黃夢松覆按無所異

趙賀閔梁宋史

趙賀字餘慶真宗時補臨朐縣主簿有幹力知州冠準且知賀淳化中調丁壯塞澶州決河衆多逸去獨賀全所部而歸臨朐父老張樂迎賀準曰旌賀之能也改大理評事鹽池吏欺緡錢選賀往解州鈎校出入賀悉得其姦徙知漢州蜀吏喜弄法而

賀精明吏不敢欺

陶弼版甫宋史

陶弼字商翁真宗時知邕州邕經儂寇并燧蕩然人不樂其生弼緩輯惠養至忘其勤諸峒獻土物求內附弼降意撫答謝其弊皆感悅無犯邊者邕地卑下水易集夏大雨彌月弼登城以望三邊皆漫為陂澤亟空垠江三門諭兵民即高避害俄而水大至弼身先版甫召僚吏賦役為土囊千餘置道上水果從實入隨塞之城雖不壞而人皆乏食則為發廩以振於內方舟以饋於外水不及女墻者三板旬有五日乃退公私一無所失亡自橫潯以東數州皆沒

劉隨植柳宋史

劉隨字仲豫真宗時以進士及第為永康軍判官軍無城堞每

伐巨木為柵壞輒以他木易之頗用民力隨因令環植楊柳數十萬株使相聯屬以為限界民遂得不擾

陳貫賑飢 宋史

陳貫字仲通少儻數上疏言邊事舉進士真宗識貫名擢實高第為臨安縣主簿歷知涇州督察盜賊禁戢不肖子弟簿書筦庫賦租出入皆自檢覈嘗謂僚屬曰視縣官物如已物容有姦乎州人憚其嚴擢利州路轉運使歲饑出職田粟振飢者又帥富民令計口占粟悉發其餘徙陝西累遷尚書度支員外郎入為三司鹽鐵判官領河北轉運使請疏徐鮑曹易四水興屯田

韓億辨冤 宋史

韓億字宗魏真宗時舉進士為大理評事知永城縣有治聲他邑訟不決者郡守皇甫選輒屬億治之通判陳州會河決治隄費萬計億不賦民而營築之真宗嘗欲召試而與王旦有親嫌特召見改一官知洋州州豪李甲兄死迫嫂使嫁因誣其子為他姓以專其貲嫂訴於官甲輒賂吏掠服之積十餘年訴不已億視舊牘未嘗引乳醫為證召甲出乳醫示之甲亡以為辭究遂辨

李士衡獲盜 宋史

李士衡字天均真宗時知青州前守捕羣盜妻李寘棘園中士衡至悉縱罷之使去未幾其徒有梟賊首至者

王曙辯偽 宋史

王曙字晦叔真宗時中進士第知益州繩盜以峻法多致之死有卒夜告其軍將亂立辯其偽斬之蜀人比之張詠號前張後

王

魯宗道疏港便民 宋史

魯宗道字貫之真宗時舉進士為濠州定遠尉再調海鹽令縣東南舊有港導海水至邑下歲久堙塞宗道發鄉丁疏治之人號魯公浦

李遵勗修堤練軍 宋史

李遵勗字公武舉進士真宗大中祥符間召對便殿尚萬壽長公主出知澶州在郡會河水溢將壞浮梁遵勗督工徙七日而堤成遷昭德軍節度觀察留後拜寧國軍節度使徙鎮國軍知許州水軍多不練習而隸籍遵勗命步校按劾拔去十七八後以疾請援唐韋嗣立故事求山林號詔不許

李昭述城澶 宋史

李昭述真宗時為河北都轉運使河決澶淵久未塞會契丹遣劉六符來乃命昭述城澶州以治隄為名調兵農八萬逾旬而就初六符過之貞以為治隄也及還而城具甚駭愕初置義勇軍人情訥訥昭述乘疾置日行數舍開諭父老眾始安

李若谷擒賊 宋史

李若谷字子淵真宗時徙潭州洞庭賊數邀商人船殺人輒投屍落水中嘗捕獲以屍無馬每貸死隸他州既而逃歸復攻劫若谷擒致之磔于市自是寇稍息

楊偉斬惡 宋史

楊偉字子奇真宗天禧元年獻頌召賜進士及第校書郎用近臣薦通判單州會巡檢部卒李素合州卒二百餘人謀殺巡檢使入鼓角門州將不敢出偉挺身往問曰若屬何為而反

俱曰將有訴于州非反也偉曰持兵來非反而何若屬皆有父母妻子以一朝忿而欲魚肉之乎悉令投兵坐籍首惡得十餘人斬之

劉式奏免逋積宋史

劉式字叔度南唐主李煜時舉三傳中第真宗天禧中宋歷遷大理寺丞贊善大夫監通州鹽利監及主三司都磨勘司仍賜緋式又建議置主轄支收司以謹財賦出納時以為當遷祕書丞與陳靖使高麗至道中併三司院為一命式領之再轉工部員外郎賜金紫遷刑部式深究簿領之弊江淮間舊有橫賦逋積至多式奏免之人以為便

陳堯佐防河宋史

陳堯佐字希元真宗天禧中河決起知滑州堯佐造木龍以殺

永怒又築長堤人呼為陳堯佐堤

楊紘禁盜宋史

楊紘字望之楊億從子也真宗時以蔭歷官知鄞縣鄞濱海惡少販魚鹽者群居州邑或掠商人財物入海吏不能禁紘至設方略使識者質惡少船及歸始給還且戒諭之由是不敢為盜以億文獻賜進士出身通判越州知筠州提點江東刑獄除轉運按察使江東饑紘開義倉振之吏持不可紘曰義倉為民也稍稽人將殍矣紘御下急常曰不法之人不可貸去之止不利一家爾豈可使都下千萬家俱受害邪聞者望風解去或過期不敢之官與王綽號江東三虎

王祐出錢貸民宋史

王祐字子正河南人登進士甲科為將作監丞累官京西轉運

副使陞辭且言臣父母家洛中乃在所部得奉湯藥聖主之澤也真宗因賜詩寵行以羊酒束帛令過家為壽遷淮南轉運使又憂起復時出比饑隨敕屬部出庫錢貸民市種糧歲中約輸絹以償流庸久之復業徙河東轉運使

俞獻卿積穀宋史

俞獻卿字諫臣景宗時調昭州軍事推官會宜州陳進亂象州人任事轉運使檄獻卿往佐之及至守謀棄城獻卿曰臨難臣免可乎且至立回當力擊不勝有死而已柰何棄去初昭州積緡錢鉅萬獻卿盡用平糶至積穀數萬及是大兵至賴以饋軍

王隨平價宋史

王隨字子正仁宗為太子拜右庶子仍領府事周懷政誅隨自陳以假懷政白金三十兩奪知制誥改給事中知杭州乾興初

復降秘書少監通州以少學者徙孔子廟起學舍州人憇遣子弟就學母之使起復光祿卿知潤州徙江寧府歲大饑轉運使移府發常平倉米計日給一升隨置不聽曰民所以饑者由兼并閑糶以飢逐高價也乃大出官粟平其價復給事中為龍圖閣直學士知秦州秦卒有負罪逃入蕃部者戎人輒奴畜之小不如意復執以求賞前此坐法多死隨下教能自歸者免死聽復隸軍籍由是多來歸者

王沿多智宋史

王沿字聖源少治春秋中進士第仁宗天聖間為河北轉運使奏罷二牧監以地賦民導相衛邢趙水下天平景祐諸渠溉田數萬頃因詣闕奏事上所著春秋集傳十五卷復上書以春秋論時事授直昭文館為三司戶部副使知并州時趙元昊數寇

河東建議徙豐州不報已而州果陷進為涇原路經畧安撫招
討使無知滑州增屯兵城中隘甚乃築西關城五里改涇州觀
察使元昊入寇副都總管葛懷敏率兵出捍沿教懷敏率兵據
瓦亭待之懷敏進屯鎮戎以書戒勿入第背城為砦以羸師
誘賊賊至發伏擊之有功懷敏不聽進至定川果為所敗賊
乘勝犯渭州沿州人夾城多張旗幟為疑兵賊遂引去坐懷
敏敗復為龍圖閣直學士

杜世昌獲賊

杜世昌仁宗寶元中知水興軍民有晝亡其婦者為護方
畧捕立得殺人賊所獲婦人死一秦人大驚

許元字子春

許元字子春以陰為太廟齋郎改大理寺丞累遷國子博士

監在京推貨務三門發運判官元為吏疆敏尤能商財利仁宗
慶曆中江淮歲漕不給京師乏軍儲參知政事范仲淹薦元可
獨倚辦擢江淮制置發運判官至則悉發瀕江州縣藏粟所在
留三月食遠近以次相補引千餘艘轉運而西未幾京師足食
朝廷以為任職就遷副使

魚周詢植

魚周詢字裕之仁宗時舉進士中第為大理評事歷通判漢州
城中夜有火部眾救之植劔于前曰攘一物者斬火止民無所
失亡

魯公亮無盜

魯公亮字明仲仁宗時以端明殿學士知邠州為政有能聲盜
悉竄他境至夜戶不閉嘗有使客亡橐中物移書詰盜公亮報

吾境不藏盜殆從者之慶耳索之果然號曰曾開門

燕度御埽 宋史

燕度字唐卿仁宗皇祐甲午登進士第出知滑滑與黎陽對境河埽下臨魏都霖潦暴至薪芻不屬度曰魏寔為河朔根本不可坐視成敗悉以所儲芟榘禦之埽賴以不潰

陳希亮禁巫 宋史

陳希亮仁宗時知鄆縣老吏魯腴侮法以希亮年少易之希亮視事首得其罪腴叩頭出血願自新希亮戒而捨之卒為善吏巫覡歲斂民財祭鬼謂之春齋否則有火災民訛言有緋衣三老人行火希亮禁之民不敢犯火亦不作致淫祠數百區勒巫為農者七十餘家及罷去父老送之出境泣曰公去我緋衣老人復出矣

陳希亮飛橋 宋史

陳希亮守宿州州跨汴為橋水與橋爭嘗壞舟希亮始作飛橋無柱以便往來詔賜縑以褒之仍下其法自畿邑至于泗州皆為飛橋

陳希亮植立 宋史

陳希亮字公弼宋仁宗遷希亮知房州州素無兵備民凜凜欲亡去希亮以牢城卒雜山河戶得數百人日夜部勒聲振山南民恃以安燬侍雷甲以兵百餘人逐盜竹山甲不能戢所至為暴或疑為盜告希亮盜入境且及門希亮即勒兵阻水拒之命持滿無得發士皆植立如偶人甲射之不動乃下馬拜請死曰初不知公官軍也吏士皆欲斬甲以徇希亮獨治為暴者十餘人使甲以捕盜自贖

陳希亮治河決 宋史

陳希亮仁宗時移滑州奏事殿上帝勞之曰知卿疾惡無懲詔
提舉河北便糴都轉運使魏瓘劾希亮擅增損物價已而瓘除
龍圖閣學士知開封府希亮乞廷辨既對仁宗直希亮奪瓘職
知越州且欲用希亮希亮言臣與轉運使不和不得為無罪力
請還滑會河溢魚池埽且決希亮悉召河上使者發禁兵捍之

陳希亮貸粟易新 宋史

陳希亮字公弼仁宗時知鳳翔倉粟支十二年王者以腐敗為
憂歲饑希亮發十二萬石貸民有司懼為擅發希亮身任之是
秋大熟以新易舊官民皆便

李參恤飢 宋史

李參字清臣仁宗時以蔭知鹽山縣歲飢諭天下出粟平其直

予民不能糴者給以精芫所活數萬

仁寶奏伐藥樹 宋史

侯仁寶仁宗時以蔭遷太子中允盧多遜與普有隙普罷相即
以仁寶知邕州州之右江生毒藥樹宣化縣人常採貨之仁寶
以聞詔盡伐去九年不代

傅求取土省工 宋史

傅求字命之仁宗時為龍圖閣學士初求進士甲科通判泗
州淮水溢毀城朝廷遣中使護築絕淮取土道遠度用兵六十
萬求相汴堤旁有高埠莫之得土載以回所省工費殆半

姚仲孫振飢 宋史

姚仲孫字茂宗仁宗時為大理寺丞知建昌縣初建昌運茶抵
南康或露積于道間為霖潦所敗主吏至破產不能償仲孫為

募吏民輸山木即高阜為倉邑人利之徙通判彭州嘗以天下久無事不可以弛兵備因上前世禦戎料敵之策名防邊龜鑑通判睦州徙滁州歲旱飢有詔發官粟以振民而主吏不時給仲孫既至州立劾主吏夜索丁籍盡給之

趙尚寬化俗宋史

趙尚寬字濟之仁宗時知忠州俗多蠱殺人尚寬揭方書市中教人服藥募索為蠱者窮治實于理大化其俗

陳薦獲盜宋史

陳薦字彥升仁宗時舉進士為華陽尉盜殺人棄尸民田薦出驗有以移尸告者田主又殺其母縣欲聞致殺二人以寃薦失盜之書薦不可曰焉有誣人以自貴者邪已而獲盜

鄭戩定讞宋史

鄭戩仁宗時進賢正殿學士知并州兵興用不足河東行鐵錢山多炭鐵鼓鑄利厚重辟不能止戩乃請三當一令既下兵民相扇動不能遏又羣諫州門守門者拒不得入戩聞悉召至庭下推首謀者數十人黥隸他州事乃定

明鎬巡邊宋史

明鎬仁宗時擢龍圖閣直學士知并州鎬大巡邊以備賊時邊任多統袴子弟鎬乃取尤不職者杖之疲軟者皆自解去遂奏擇習事者守堡若軍行倡婦多從之鎬欲驅逐惡傷士卒心會有急爭殺倡婦者吏執以白鎬曰彼來軍中何耶縱去不治倡婦聞皆散去

周湛有治才宋史

周湛字文淵仁宗時進士甲科為開州推官中身言書判改祕

書省著作佐郎通判戎州俗不知醫病者以祈禳巫祝為事湛取古方書刻石教之禁為巫者自是民始用醫藥累遷尚書都官員外郎知虔州提點廣南東路刑獄初江湖民略良人鬻嶺嶺外為奴婢湛至設方略搜捕又聽其自陳得男女二千六百人給飲食還其家徙京師路鄧州美陽堰歲役工數十萬澆州縣職田而利不及民湛奏罷之為鹽鐵判官三司帳籍浩煩吏胥離析為蔽欺湛為立勘同法歲減天下計帳七十為江南西路轉運使州縣簿領案牘混淆無紀次且多亡失民訴訟無所質至久不能決湛為立號以月日比次之詔下其法諸路又以徭賦不均百姓巧於避匿因條其詭名挾佃之類十二事且許民自言凡括隱戶三十萬還為戶部判官又為夔州路轉運使雲安鹽井歲賦民薪茅至破產責不已湛為蠲鹽課而省輸薪茅

判鹽鐵句院以太常少卿直昭文館

朱壽隆察奸斬盜宋史

朱壽隆字仲山仁宗時知九隴縣吏告民一家七人以火死壽隆曰寧有盡室就焚無一脫者必有姦逾月獲盜果殺其人而縱火也知宿州宿多劇盜至白晝被甲剽攻郡縣不能制壽隆設方略耳目捕斬千餘人擢提點廣西刑獄

劉敞還田宋史

劉敞字原父仁宗時擢知制誥山陰知揚州揚之雷塘漢雷陂也舊為民田其後官取瀦水而不償以它田主皆失業然塘亦破決不可漕州復用為田敞據唐舊白券悉用還民發運使爭之敞卒以予民

李東之奏除渡錢宋史

李東之字公明曉國朝典故獻文仁宗召試賜進士出身為館閣校勘宣化軍使境上有廢河故道官收行者稅謂之乾渡錢奏除之進直集賢院判開封府推官

范諷均芻宋史

范諷字補之仁宗時通判鄆州時知州李迪貶衡州副使宰相丁謂戒使者持詔書促上道諷輒留迪數日為治裝祖行詔塞決河州募民入芻隸而城邑與農戶等諷曰貧富不同而輕重相若農民必大困且詔書使度民力今則均取之此有司誤也即改符使富人輸三之二因請下諸州以鄆為率朝廷從其言徙知廣濟軍民避水堤居凡給任公官者諷悉縱使護其家奏除其租賦仁宗時累遷太常博士以美惡新州靈仙觀

趙師旦清

趙師旦字潛叔仁宗時累遷寧州軍節度推官知江一縣斷治出已吏不能得民一錢棄物道一人無敢取以薦者改大理寺丞知彭城縣

錢惟濟獲奸宋史

錢惟濟遷永州團練使改知成德軍仁宗即位加檢校司空民有偽作白金質取緡錢者其家未告惟濟曰第聲言被盜示以重購質者當來責餘直即得之去已而果然

李章植柳宋史

李章字公明仁宗時以章懿皇三子補三班借職積官為天平軍節度觀察留後知澶州護塞高胡會河漲訛言水且至章據廳事自若人心乃安河亦不溢歲大雨水競以船筏邀利多溺死者章一切籍之約所勝載如黃河法發卒城州西關調夫脩

路數十里夾道植柳人指為李公柳

蔡襄立梁植松宋史

蔡襄字君謨仁宗時徙知泉州距州二十里萬安渡絕海而濟
生來畏其險襄立石為梁其長三百六十丈種蠣於礎以為固
至今賴焉脚橋也又植松七百四十以庇道路間人刻碑紀德

邵亢請勿坐吏宋史

邵亢字興宗仁宗時提點開封府鎮公事比有縱火者一不獲
則王吏坐罪民或自燔其居以中吏亢請非延及旁舍者雖失
捕得勿坐

孫長卿潔米宋史

孫長卿字次公仁宗時留侍東宮辭以母疾詔遷官知楚州糧
料院都倉積米五十萬陳腐不可食王吏皆懼法母敢輕去長

卿為酌新舊均潔之吏罪得免

張逸釋罪歸業宋史

張逸字大隱仁宗時知益州會歲旱逸使作堰壅江水溉民田
自出公租減價以振民初民飢多殺耕牛食之犯者皆配關中
逸奏民殺牛以活將死之命與盜殺者同若不禁之又將廢穡
事今歲少稔請一切放還復其業報可

高賦爾書褒諭宋史

高賦字正臣仁宗時徙知唐州州田經百年曠不耕前守趙尚
寬舊墾荒遺力而榛莽者尚多賦繼其後益募兩河流民計口
給田使耕作陂堰四十四再滿再留比其去田增闢三萬一千
三百餘頃戶增萬一千三百八十歲益稅二萬二千二百五十
七聖書褒諭宣布治狀以勸天下

高賊禁絕蠱毒宋史

高賊字正臣仁宗時知衢州俗尚巫鬼民毛氏崇氏二十餘家世苦蠱毒值閏歲害人尤多與人忿爭輒毒之賊悉擒治伏辜蠱患遂絕

韓絳惠貧罷稅宋史

韓絳字子華仁宗時加端明殿學士知成都府張詠鎮蜀日春糶米秋糶鹽官給券以惠貧弱歷歲久權歸豪右中人奉使至蜀使酒吏主貿易因附益以取悅絳悉奏罷之

劉渙復牛宋史

劉渙仁宗時歷吉州刺史徙知登州益治刀魚船備海寇寇不敢犯詔嘉獎之歷知邢恩興涇澶五州恩承賊蹂踐後渙經理繕葺有叙兵民犯法一切用重典威令上振英宗治平中河北

地震民乏粟率賤賣耕牛以苟朝夕渙在澶盡發公錢買之明年民無牛耕價增十倍渙復出所市牛以元直與民澶民賴不失業

張燾活眾宋史

張燾字景元仁宗時舉進士通判單州州卒謀亂期有日燾得告者徐詣營取首惡實諸法及知沂濰二州沂產布雜產絹而有司科賦相反燾始革之維多圭田率計畝徵絹而蠲河役燾不肯踵例廢法還其役入損於舊五之四且命吏曰吾知守已而已無妨後人汝勿著為式提點河北刑獄攝領澶州七日而商湖決燾拯溺拯飢所全活者十餘萬猶坐免

曾鞏除盜宋史

曾鞏字子固仁宗嘉祐二年中進士第知齊州其治以疾甚急

盜為本曲堤周氏擁資雄里中子高橫終賊良民汗婦女服器
上僭力能動權豪州縣吏莫敢詰鞏取冥於法章丘民聚黨村
落間號霸王社椎剽奪囚無不如志鞏配三十一人又屬民為
保伍使幾察其出入有盜則鳴鼓相接每發輒得盜有首友者
名在捕中一日自出首鞏飲食冠裳之假以騎從鞏所購金帛
隨之夸狗四境盜聞多出自首鞏外視章顯官欲携貳其徒
使之不能復合也自是外戶不閉

曾鞏恤民宋史

曾鞏仁宗時徙知洪州會江西歲大疫革命縣鎮亭傳悉儲藥
待求軍民不能自養者來食息官舍資其食飲衣衾之具分醫
視診書其全失多寡為殿取時興師征交南所過州為萬人備
他吏暴誅嗷歛民不堪鞏先期區處梓具師去市里不知

曾鞏作橋徙傳宋史

曾鞏仁宗嘉祐二年登進士第徙知齊州時河北發民濬河調
及它路齊當給夫二萬縣初按籍三丁出夫一鞏括其隱漏至
於九而取一省費數倍人無名渡錢為橋以濟往來徙傳舍
自長清抵博州以達于魏凡省六驛人皆以為利

蘇頌簡易宋史

蘇頌字子容仁宗時第進士知江寧縣時建業承李氏後稅賦
圖籍一皆無藝每發歛高下出吏手頌因治訊他事互問民鄰
里丁產識其祥及定戶籍民或自占不悉頌怒之曰汝有某丁
某產何不言民駭懼皆不敢隱遂剗剔風蠹成賦一邑簡而易
行諸令視以為法至領其民拜庭下以謝凡民有忿爭頌喻以
鄉黨宜相親善若以小忿而失歡心一旦緩急將何賴焉民往

往謝去或半途思其言而止

范仲淹飢民不流事文類聚

范仲淹宋仁宗時為杭州太守時吳中大飢縱民競渡太守日出宴于湖上自春至夏居民空巷出遊又召諸佛寺土木之後又新倉廩吏舍日役千夫監司劾杭州不恤荒政嬉遊無節公乃自條叙所以宴遊興造皆欲以發有餘之財以惠貧者是歲兩浙惟杭民不流徒

程顥擅塞陂塘事文類聚

程顥字伯淳宋仁宗時舉進士調上元主簿盛夏塘堤大決法當言之府府稟於漕然後計工調役非月餘不能興作顥曰如是苗槁矣民將何食救民殺罪所不辭也遂發民塞之歲則大熟

杜杞絕弊事文類聚

杜杞字偉長宋仁宗時知建陽縣除無名租萬計閩人有老而生子者父兄以其分貲多不養之杞上書立保伍以相伺察由是稍絕其弊

范仲淹保安慶州事文類聚

范仲淹宋仁宗時知慶州兼經畧招討使未幾賊兵三萬叩城仲淹麾兵血戰賊奔而北久之种世衡不利於定州以仲淹晝夜為領兵援初閩人心搖動及見仲淹耀兵誦令嚴兵威震戎落人心遂安相賀曰邊上自有龍圖公為長城吾屬何憂

包拯治盜割牛舌事文類聚

包孝肅公拯宋仁宗時知天長縣有訴盜割牛舌者公使歸屠其牛鬻之既而有告私殺牛者公曰何為割某家牛舌而又告

之盜者驚伏

彭思永理台州水災 宋史

彭思永字季長仁宗時第進士通判睦州台州大水敗城人多溺往攝治焉盡瘞死者作文祭之民貧不能葺居為伐木以助之數月公私之舍皆具城築高於前而堅亦如之

劉湜焚陽死人屍 宋史

劉湜字子正仁宗時舉進士遷通判劍州審閩州獄活死囚七人王堯臣安撫陝西薦之擢知耀州富平有盜掠人子女者既就擒陽死伺間逸去捕得復陽死守者以報湜趣焚其屍拜監察御史

蕭貫治孫齊 宋史

蕭貫字貫之仁宗時知饒州有撫州司法參軍孫齊者初以明

法得官以其妻杜氏留里中而給娶周氏入蜀後周欲訴于官齊斷髮誓言出杜氏久之又納倡陳氏挈周所生子之撫州未踰月周氏至齊梓置廡下出為券曰若傭婢也敢爾邪乃殺其所生子周訴于州及轉運使皆不受人或告之曰得知饒州蕭使君者訴之事當白矣周氏以布衣書姓名乞食道上馳告貫撫非所部而貫特為治之

李若谷賑貧治盜 宋史

李若谷字子淵仁宗時為樞密直學士知并州民貧失婚姻者若谷出私錢助其嫁娶贅婿亡賴委妻去為立期不還許更嫁并多降人喜盜竊籍累犯者以三人為保有犯并坐之峻者削去籍名

朱壽昌發奸正罪 宋史

朱壽昌字康叔仁宗時以父巽蔭守將作監主簿累調州縣知
闕州大姓雍子良屢殺人挾財與勢得不死至是又殺人而賂
其里民出就吏獄具壽昌覺其奸引囚詰之曰吾聞子良與
汝錢十萬許納汝女為婦且壻汝子故汝代其命有之乎囚色
動則又撻之曰汝且死書券抑汝女為婢指錢為雇直又不壻汝
子將奈何囚悟泣涕覆面曰囚幾誤死以實對立取子良正諸
法郡稱為神

田瑜購賊宋史

田瑜字資忠仁宗時知青州城中有殺人投苑井中者吏以其
無主名不以聞瑜廉得之大出金帛贖賊後數日鄰州民執賊以
告屬歲凶多盜瑜立賞罰設方略捕格之境中肅然

程師孟水利宋史

程師孟字公闢仁宗時徙河東路晉地多土山旁接川谷春夏
大雨水濁如黃河俗謂之天河可溉灌師孟勸民出錢開渠築
堰淤良田萬八千頃復其事為水利圖經頌之州縣為度支判
官知洪州積石為江隄浚章溝揭北閘以節水升降後無水患

李先燭天宋史

李先字淵宗英宗時起進士為處州觀察推官攝吉州永新令
兩州俗尚訟先為辨枉直皆得其平知信州南安軍撫楚州歷
利梓江東淮南轉運使壽春民陳氏施僧田其後貧弱往丐食
僧所而僧逐之取僧園中筍遂執以為盜先詰其由奪田之半
以還之所至治官如家人目以俚語在信為錯安頭謂其無貌
而有材也在楚為照天燭稱其明也

蔡襄崇道教民宋史

蔡襄字君謨英宗時知福州郡士周希孟陳烈陳襄鄭穆以行義著襄備禮招延誨諸生以經學俗重凶儀親亡或秘不舉至破產飯僧下令禁止之

韓琦才辨宋史

韓琦字君玉英宗時登進士第知定州安喜縣為政彊力能使吏不賄守韓琦稱其才為開封司錄嘉祐寬恤諸道分遣使者琦曰京師諸夏本顧獨不蒙惠幸乃具徭役利害上之詔司馬光陳洙詳定條式遂革大姓漁弄之弊提點利州路河北刑獄以開封府判官迎契丹使使問南朝不聞打圍何也琦曰我后仁及昆蟲非時不為可

滕元發勘金宋史

滕元發英宗時舉進士為大理評事修起居注至神宗即位除

翰林學士知開封府民王頴有金為鄰婦所隱閱數尹不獲直頴憤而致偃扶杖訴于庭元發一問得實反其金頴投杖仰謝失偃所在

呂公孺自効專命宋史

呂公孺字稚卿神宗元豐初知永興軍徙河陽洛口兵千人以久役思歸奮斧鐮排闥不得入內走河橋觀聽洶洶諸將請出兵掩繫公孺曰此皆亡命急之變且生即乘馬東去遺牙兵數人迎諭之曰汝輩誠勞苦然豈得擅還一度橋則罪不赦矣太守在此願自首者止道左皆佇立以俟公孺索倡首者黥一人餘復送役所語其校曰若復偃蹇者斬而後報衆帖息乃自効專命詔釋之

李肅之勤民做盜宋史

李肅之字公儀神宗時為右諫議大夫知慶州數日徙瀛州大
雨地震官舍民廬摧陷肅之出入泥濘中結草園以儲粟粟之
暴露者為芟舍以居民啓廩振給嚴做盜竊一以軍法從事天
子聞而嘉之

向綜聞變自若宋史

向綜字君章神宗時知歙縣籍閭里惡少年有盜發用以推迹
輒得知隨鼎漳汾密隸沂七州沂阻山多盜綜請用重法繩禁
歲斷大辟減半兵久惰會初置官提舉教之急眾不悅監兵夜
排闥告變綜疑有他謀就寢自告明日大閱申嚴號令賞其高
疆罰其不進者卒亦無事性寬裕善治劇於姦惡不少恕官累
中散大夫

謝麟疊障宋史

謝麟字應之神宗時調石首今縣苦江水為患隄不可禦麟疊
石障之自是人得安堵號謝公隄

韓絳禦水賑民宋史

韓絳神宗時知定州元豐六年知河南府夏大雨伊洛間民被
溺者十五六絳發廩振恤環城築隄數月水復至民賴以免

馮京化夷宋史

馮京字當世神宗時知渭州茂州夷叛徙知成都府蕃部何丹
方寇雞棕關聞京兵至請降議者遂欲蕩其巢虛京請于朝
為禁侵掠給稼器餉糧食使之歸夷人喜爭出犬豕割血受盟
願世世為漢藩

王靖捕盜宋史

王靖字詹叔神宗徙河東長子縣賊殺人捕治十數輩不得實

皆釋去靖閱其牘曰此真盜也教吏曲折訊囚果服罪為開封府推官曹濮盜害官吏久不獲靖受詔督捕成擒者十八九因言盜之不戢由大姓為囊索請并坐之著為令

李常囊括宋史

李常字公擇神宗時通判滑州徙湖齊二州齊多盜論報無虛日常得黥盜刺為兵使在麾下盡知囊括處悉發屋破柱拔其根株半歲間誅七百人姦無所匿

王安禮折獄受陸宋史

王安禮神宗時知開封府事至立斷前滯訟不得其情及具按而未論者幾萬人安禮剖決未三月三獄院及畿赤十九邑囚繫皆空書揭於府前遼使過而見之歎息誇異帝聞之喜曰昔秦內史廖從容俎豆以奪由余之謀今安禮能動吏事駭動

殊鄰於古無愧矣特升一階

錢勰明察宋史

錢勰字穆父神宗時知開封府老吏畏其敏欲困以事道人訴牒至七百勰隨即剖決簡不中理者緘而識之戒無後來閱月聽訟一人又至呼詰之曰吾固戒汝矣安得欺我其人調曰無有勰曰汝前訴云云吾識以某字啓緘示之信然上下皆驚咤宗室貴戚為之斂手雖丞相府謁吏干請亦械治之

宋昌言治盜宋史

宋昌言字仲謨神宗時以蔭為澤州司理參軍州有殺人獄昌言疑其寃堅請迹捕果得真犯者稍遷河陰發運判官自濟源之官見道上棄屍若剝剥狀者甚眾竊歎郡縣之不治既至河陰得凶盜六輩殺人而鬻之如是十餘年掩其家猶得執縛未

殺者七人縣吏與市井少年共為胥橐冒言窮治其淵數皆法外行之而流其家人後改樞密直學士知并州多降人喜盜竊籍累犯者以三人為保有犯並坐之悛者削去籍名

蘇軾築堤宋史

蘇軾字子瞻神宗時知徐州河決曹村泛于梁山泊溢于南清河匯于城下漲不時洩城將敗富民爭出避水軾曰富民出民皆動搖吾誰與守吾在是水決不能敗城驅使復入軾詣武衛營呼卒長曰河將害城事急矣雖林木軍且為我盡力卒長曰太守猶不避塗潦吾儕小人當效命率其徒持畚鍤以出築東南長堤首起戲馬臺尾屬于城雨日夜不止城不沈者三版軾廬於其上過家不入使官吏分堵以守卒全其城復請調來歲夫增築故城為木岸以虞水之再至朝廷從之

孫長卿鑿井通塗宋史

孫長卿字次公神宗時知慶州州據險高患無水蓋嘗疏引澗谷汲城中未幾復絕長卿鑿百井皆及泉泥陽有羅川馬嶺上構危棧下臨不測之淵過者惴恐長卿訪得唐故道闢為通塗

沈括威雄宋史

沈括神宗時知延州至鎮悉以別賜錢為酒命屠市良家子馳射角勝有軼羣之能者自起酌酒以勞之邇人驩激執弓傳矢唯恐不得進越歲得徹禮超乘者千餘皆補中軍義從威聲雄他府

陳襄禱鍾獲盜宋史

陳襄字述古神宗時舉進士調浦城主簿攝令事縣多世族以請託脅持為常令不能制襄欲稍革其俗每聽訟必使數吏環

立於前私謁者不得發其姦束手民有失物者賊曹捕兪兒至
數輩相撐拄襄語之曰某廟鍾能辨盜犯者捫之輒有聲餘則
否乃遣吏先引以行自率同列詣鍾所祭禱陰塗以墨而以帷
蔽之命羣盜往捫少焉呼出獨一人手無所污扣之乃為盜者
蓋畏鍾有聲故不敢觸遂服罪

熊本安南宋史

熊本字伯通神宗時除知桂州至則諭溪洞酋長戒邊吏勿生
事請選將練兵代戍益市馬以足騎兵宜州遂無事民蔡寶珍
扇龍蕃與峒戶相仇殺欲引兵致討以為功本質之色動縛而
投之海蠻夷以為神

羅拯漕增費省宋史

羅拯字道濟神宗時初進士歷官知榮州後改江淮發運副使
江淮故無積倉漕船繫岸下俟糶入乃得行蓋官吏以淮南不
受陳粟為逃遣計拯始請凡米至而不可上供者以廩軍又貯浙
四米于潤倉以待運自是漕增而費省轉為使

呂大忠糶粟宋史

呂大忠字進伯神宗時知秦州進賢文閣待制夏人自犯麟府
環慶後遂絕歲賜欲遣使謝罪神宗將許之大忠言夏人孺則
縱困則服今陽為恭順實則討伐宜且命邊臣詰其所以來之
辭若惟請是從彼將有以窺我矣時郡糶民粟豪家因之制操
縱之柄大忠選僚察自旦入倉雖斗升亦受不使有所壅闕民
喜爭運粟于倉負錢而去得百餘萬斛

劉執手益價便民宋史

劉執字莘老神宗時歷冀州南宮令縣比不得人俗化凋敝其

賦甚重輸絹匹折稅錢五百綿兩折錢三十民多破產挈援例
旁郡條請裁以中價轉運使怒將劾之挈固請曰獨一州六邑
彼此苦決非法意但朝廷不知耳遂告於朝三司使包拯奏從
其議白是絹為錢千三百綿七十有六民歡呼至泣下曰劉長
官活我是時挈與信都令李冲清河令黃華皆以治行聞人稱
為河朔三令

余良肱明察宋史

余良肱字康臣哲宗時第進士調荆南司理參軍屬縣捕得殺
人者既自誣服良肱視驗屍與刃疑之曰豈有刃盈尺而傷不
及寸乎白府請自捕逮未幾果獲真殺人者民有失財物逾十
萬逮平民數十人方暑榜掠號呼聞于外或有附吏耳語良肱
陰知其盜亟捕詰之賊盡得

王巖叟除蔽宋史

王巖叟哲宗時復為樞密都承旨權知開封府舊以推判官二
人分左右廳共治一事多為異同或累日不竟吏疲於咨稟巖
叟創立逐官分治之法白是署為今都城群偷所聚謂之大房
每區客數十百人淵數詭僻不可勝究巖叟令掩捕散毀隨輕
重決之根株一空供備庫使曹續以產貿萬緡市僧逾年負其
半續盡力不可取一日啓戶則所負皆在焉驚扣其故僧曰王
公今日知府矣

何執中訊服妖獄宋史

何執中字伯通哲宗時舉進士高第調台亳二州判官亳數易
守政不治曾鞏至頗欲振起之顧諸僚無可仗信者執中一見
合意事無纖鉅悉委以劑決有妖獄久不竟株連浸多執中

訊諸囚聽其相與語謂牛羊之角皆曰股扣其故閉不肯言而相視色變執中曰是必為師張角諱耳即叩頭引伏

蘇軾治政宋史

蘇軾字子瞻哲宗時為龍圖閣學士知杭州既至杭大旱饑疫並作軾請於朝免本路上供米三之一復得賜度僧牒易米以救飢者明年春又減價糶常平米多作饘粥藥劑遣使挾醫分坊治病活者甚眾軾曰杭水陸之會疫死比他處常多乃哀羨緡得二千復發橐中黃金五十兩以作病坊稍蓄錢糧待之杭本近海地泉鹹苦居民稀少唐刺史李泌始引西湖水作六井民足於水白居易又浚西湖水入漕河自河入田所溉至千頃民以殷富湖水多葑自唐錢氏歲輒浚治宋興廢之葑積為田水無幾矣漕河失利取給江潮舟行市中潮又多淤三年一

淘為民大患六井亦幾於廢軾見茅山一河專受江潮鹽橋一河專受湖水遂浚二河以通漕復造堰牐以為湖水蓄洩之限江潮不復入市以餘力復完六井又取葑田積湖中南北徑三十里為長堤以通行者吳人種菱春輒芟除不遺寸草且募人種菱湖中葑不復生收其利以備修湖取救荒餘錢萬緡糧萬石及請得百僧度牒以募役者堤成植芙蓉楊柳其上望之如畫圖杭人名為蘇公堤

吳擇仁盜不入境宋史

吳擇仁字智夫哲宗時以父任為開封雍丘主簿元祐中金水河堤壞十六縣皆選屬屯役得詣朝堂白事宰相范純仁獨異之曰簿領中乃有是人邪建中靖國初畿內飢多盜以擇仁知太康縣始至召令賊曹曰民窮而盜非天性也我以靜鎮之若

亡命椎理故犯我一切誅之毋得貸群盜相戒不入境中

向綜回擒賊濟飢宋史

向綜回字子發徽宗立進彰德軍留後知蔡州擒劉賊其黨類歲飢發廩與力役飢者得濟而官舍帑廩一新

張克戩屏效宋史

張克戩字德祥徽宗時第進士歷河間令知吳縣吳為浙劇邑民喜爭大姓怙勢持官府為令者踵故抑首務為不生事幸得去而已克戩一裁以法姦猾屏氣使者以狀聞召拜衛尉丞

蔣興祖死敵宋史

蔣興祖徽宗時以蔭累調饒州司錄睦州盜起旁郡皆震興祖白州將糾吏卒緝賊具盜不敢謀以功遷官知開封陽武縣陽武古博浪沙地土脉脆惡大河薄其南嘗積雨溢埽且濱興

祖躬救護露宿其上彌旬旬隄以不壞治為畿邑最使者交薦之

李孝壽決僕宋史

李孝壽字景山徽宗時為開封府尹時有舉子為僕所凌忿甚具牒欲送府同舍生勸解久乃釋載取牒效老壽花書判云不勘案決杖二十僕明日持詣府告其主傲尹書判私用刑孝壽即追至備言本末孝壽愔然曰所判正合我意如數與僕杖而謝舉子時都下數千人無一僕敢肆者時以此稱之

王居正不益貢賦宋史

王居正字剛中欽宗時知婺州州貢羅舊制歲萬匹崇寧後增五倍建炎中減為二萬至是主計者請復崇寧之數居正力言于朝戶部督趣逾峻居正置檄不行語其屬曰吾願身坐不以

累諸君呼吏為文書付之曰即有遺以此自解復手疏五不可
以聞詔如建炎中數漕司市御炭須胡桃文鶉鴿色者居正曰
民以炭自業者率居山谷安知所謂胡桃文鶉鴿色耶入朝以
聞詔止之

趙不棄振飢 宋史

趙不棄字德夫太宗之裔高宗紹興中為江東轉運判官秦檜
忌四川宣撫使鄭剛中不棄能制之除太府少卿四川宣撫
司總領官初趙開總蜀賦宣撫司文移率用申狀不棄至官用
張憲成故事以平牒見剛中剛中愕然久之始悟其不隸已遂
有隙不棄欲盡取宣撫司所屬剛中不與不棄怒剛中辟利州
轉運使王陟兼本司參議不棄劾罷之二人愈不相能檜併召
還剛中在蜀服用頗踰制不棄復文致其事檜乃罷剛中升不

棄敷文閣待制知臨安府踰年改工部侍郎尋除敷文閣直學
士知紹興府時浙東饑民多流亡提舉秦昌時檜兄子也不棄
言其悉心振恤全活甚衆

張翬善算 宋史

張翬字柔直舉進士為小官不與世詭隨高宗時遷知處州嘗
欲造大舟幕僚不能計其直翬教以造一舟量其尺寸而十
倍算之又有欲築紹興園神廟垣召匠計之云費八萬縑翬教
之自築一丈長約算之可直二萬即以二萬與匠者董役內官
無所得

高登治瓠 宋史

高登字彥先高宗時授靜江府古縣令豪民秦琥武斷鄉曲持
吏短長號秦大蠹邑大夫以下為其所屈登至頗革而登喜其

遷善補處學職定日琥有請屬登謝卻之琥怒謀中以危法會
有愬琥侵貸學錢者登呼至面數琥聲氣相厲叱下白郡及諸
司寘之法忿而死一郡快之

趙不怠分糶宋史

趙不怠字仁仲高宗紹興二十七年登第出成都路轉運判官
適歲饑不怠行抵瀘南貸官錢五萬緡遣吏分糶比至下令曰
米至矣富民爭發粟米價遂平雙流朱氏僦閉糶邑民群聚發
其廩不怠抵朱氏法籍其米黥盜米者民遂定

趙善俊善政宋史

趙善俊字俊臣初補承節郎高宗紹興二十七年登第換左承
務郎知廬州會歲旱江浙饑民麋至善俊括境內官田均給之
貸牛種樹屋以居死者為棺樁人至如歸州城舊毀于兵善俊

葺完之因言異時恃恣則通饋餉今既堙涸宜募鄉兵保孤

姥二山治屋以儲粟敵或貽師則吾城守可餘餉道無乏矣又

增築學舍新包拯祠春秋祀之人感其化而送龍圖閣直學士

移知建州建俗生子往往不舉善俊痛憐給金教捐已奉以

助其葬并知廬州首言和好不可恃當其浚池以為備復芍

陂七門堰農政用修免責屬邑坊場河渡錢百姓德之知郡

州適南市火善俊亟往視事弛竹木稅發粟賑或開古溝創大

巷以絕後患僚屬爭言用度將不足善俊曰吾將屠已肥人乃

省燕游車騎鼓吹之費郡計用饒代輸民錢再知建州歲民

群趨富家發其廩監司議調兵掩捕善俊曰是趣亂也諭許自

新平米價民乃定邑尉入盜十三人罪以希賞善俊辯其寃供

知隆興府

趙彥逾發粟振糶宋史

趙彥逾字德老高宗紹興三十年登第淳熙五年知秀州累遷太府少卿四川總領將入境利西帥吳玠書屬吏安丙未嘗逾見即喜其人從容問之曰太尉統衆六軍得無虛籍乎丙以情告彥逾遣提書俾損虛籍數千以寬四川之賦挺不敢隱改知鎮江府郡適旱饑老逾節浮費發粟振糶民賴以濟

趙伯圭公直宋史

趙伯圭字禹錫孝宗同母兄也初以恩補將仕郎調秀州華亭尉累官至浙西提刑司幹辦公事除明州添差通判孝宗受禪上皇詔除集英殿修撰知台州伯圭在郡頗著政蹟除教文閣待制改知明州充沿海制置使蕃裔死境內遺貨已萬吏請沒入伯圭不可戒其徒護喪及賞以歸升敷文閣直學士以憂去

服闋再知明州新學宮命宗子入學闈以規矩詔徒戍定海兵於許浦伯圭奏定海當控扼之衝不可撤備請摘制司軍以實其地從之海寇猖獗伯圭遣人諭降其豪莠明又遣明禽其黨倪德二人素號桀黠伯圭悉撫而用之賊黨遂散以功進一官累升顯謨閣龍圖閣學士在郡十年政寬和浚湖陂均水利辨冤獄嘗獲鑄銅者不忍寘諸法諭令易業民由是無再犯淳熙三年授安德軍節度使尋加開府儀同三司充萬壽觀使朝德壽宮上皇賜玉帶加少保封榮陽郡王

李舜臣慰民宋史

李舜臣字子思孝宗乾道二年舉進士後調邛州安仁縣王簿歲大侵飢民千百持鉏棘大呼響震邑市今懼閉門舜臣曰此非盜也何懼為亟出慰勞遣之

趙彥櫛蠲負振飢 宋史

趙彥櫛字文長孝宗時乾道二年登進士第尉樂清會大旱令
德故事禱雨而責租益急彥櫛曰損歛已責所以招和氣何禱
為已而果雨累官福建路運幹屬邑負振鹽本錢數千萬累歲
不能償彥櫛白其長蠲之慶元初知晉陵縣歲饑彥櫛振恤有
方所活幾二十萬

趙善譽寬民役 宋史

趙善譽字靜之幼敏慧力學孝宗乾道五年試禮部第一初調
昌國簿攝邑事勸編戶買金買田以助嫁娶喪葬捕得海盜全
黨守欲上其功善譽曰柰何以人命希賞守益賢之薦于朝授
兩浙運幹改知撫州臨川縣嘗預借民賦善譽閱籍發逋負
按籍征催率以時辦集遂罷預借改常州添差通判史浩言其

賢詔赴都堂審察累遷大理丞湖北常平茶鹽提舉會大旱善
譽通融諸郡常平計戶振貸嗣歲麥禾倍收民爭負以償奏罷
稅場十餘渡四十五民便之

劉珙救饑 宋史

劉珙孝宗淳熙二年移知建康府江東安撫使行宮留守會水
且旱首奏蠲夏稅錢六十萬緡秋苗米十六萬六千斛禁止上
流稅米遏糴得商人米三百萬斛貸諸司錢合三萬遣官糴米
上江得十四萬九千斛籍主客戶高下給米有差又運米村落
置場平價振糴闔境數十萬人無一人捐瘠流徙者

王克臣斬賊 宋史

王克臣字子難孝宗時知鄆州京東多盜克臣請以便宜處決
遂下諸郡使械送尤桀者斬以徇盜為少衰

趙希言忠厚宋史

趙希言字若訥，惠王令憲元孫也。孝宗淳熙十四年登第，調衢州司戶。合郡民以計表其坊里，票其戶數為圖獻于守，守才之。西安令不職，守檄希言攝邑。漕善令會嚴州請復烏龍嶺稅場，檄希言往訪之。俾令得復職，希言力陳烏龍場不當復，漕怒曰：「衛已復，孔步章戴二場，何為龍獨不可復？」希言謂二場當併罷去，漕不能奪。二場竟亦廢。改吉州司理屬邑，有誣人以殺人罪者，吏治之急，囚誣服。希言鞫得實，檄縣他捕，乃得真盜。用楊萬里周必大薦，授臨安府司法。改淮西總所幹辦，移書約諸郡綱必時發至，即受納無帶，留始至軍庫，見錢不滿千緡，比去庫錢充溢，知臨安仁和縣，闢學宮四百餘畝。適大旱蝗集，御前蓋蔭中巨數，是希言欲去，蓋以除善中使，沮其策。希言驅卒燔之，臨平塘隄決，希言督役親捧土投石，兵民爭奮，堤成。因築重隄，後不復決。民病和買絹折錢，重希言節公費，代其輸除大社，令遷樞密院編脩官。兼右司，上言諸將但務城守，敵來不拒去不復，追異時之憂，殆不止保江而已。宜諭諸將一軍受圍，諸軍共守，敵不渡淮則均受賞，以戰為守，毋以守為守。遷宗正丞，請南班得與輪對許之。

趙希懌忠直宋史

趙希懌字伯和，孝宗淳熙十四年登進士第。趙汝愚帥福建，希懌為屬吏，嘗言治人如修身，治政如理家，愛民如處昆弟，取古今官著惠愛者，緝為一編曰：「是吾師矣。」汝愚嘉之，薦于憲，辛棄疾棄疾尚氣僚吏不敢與，可否希懌獨盡言，無所避。屬邑侯官苦稅重，每不登額，希懌稽核公帑羨錢以足之，棄疾亦薦其能。

汝愚當國調江東運司幹辦同寅有坐弊侂胥黨者諸司莫敢
薦希惲賢其人請以薦已者薦之改太平州通判先是盜黥而
逃者捕得處死希惲言強盜特貸命而輒逃者斬今黥罪致死
非法之平也自是皆減死論遷江西茶鹽提舉歲飢惡少聚劫
希惲將自臨案幕屬力止之不聽曰希惲不出饑民終不得食
且召亂矣遂行發粟振給禽首謀者治之其黨遂散

陸九淵善政宋史

陸九淵光宗時知荆門軍民有訴者無言一暮皆得造于庭復令
其自持狀以進為立期皆知約而至即為酌情決之而多所勸
釋其有涉人倫者吏自毀其狀以厚風俗唯不可訓者始真之
法其境內官吏之貪廉民俗之習尚善惡皆素知之有訴人殺
其子者九淵曰不之是及追究其子果無恙有訴竊取而不知
其八九淵出二人姓名使捕至訊之伏辜盡得所竊物還訴者
且宥其罪使自新因語吏以其所某人為暴望日有訴遇奪掠
者即其人也乃加追治吏大驚郡以為油

方信孺縛盜宋史

方信孺字孚若儁材未冠能文周必大楊萬里見而異之寧
宗時以父崧卿蔭補番禺縣尉盜劫海雲貝信孺捕之盜方沙聚
分鹵獲惶駭欲趨舟信孺已使人負盜舟去矣乃悉縛盜不失
一人

陳仲微決爭水利宋史

陳仲微字致廣其先居江州旌表義門寧宗嘉泰二年舉進士
調莆田尉會守令闕通判又罷輒不任官室閭委以縣事時歲凶
部卒并飢民作亂仲微立召首亂者戮之籍閉糶抑強糶一境

以肅囊山浮屠與郡學爭水利久不決仲微按法曰曲在浮屠
它日沿檄過寺其徒久揭其事鐘上以為寃旦暮祝詛然莫省
為仲微也仲微見之曰吾何心哉吾何心哉質明首僧無疾而
死

高定子救飢決獄宋史

高定子字瞻叔寧宗嘉泰三年進士丁母憂服除差知夾江縣
會水潦洊飢貧民競愬無所於糴定子白女母憂女第持錢往
常所糴家以俟迺發縣廩給諸富家俾以時價糶至秋而償須
吏米溢于市鄰邑有爭田十餘年不決部使者以屬定子定子
察知偽為質劑其人不伏定子曰嘉定改元詔三月始至縣安
得有嘉定元年正月文書邪兩造遂決

冷應澂修學活眾宋史

冷應澂字公定理宗寶慶元年進士調廬陵主簿即以廉能著
有朝事臺府者必曰願下廬陵清主簿轉運使范應鈴列薦于
朝知萬載縣大修學舍招俊秀治其業旌其通經飭行者以
勸歲歉棄孩滿道乃下令恣民收養所棄父母不得復問全活
甚眾

冷應澂一鼓擒賊宋史

冷應澂字公定理宗景定元年奉使督餉江上還知德慶府前
守政不立縑豪吏漁獵峒獠遂大為變偏城六十里而營應澂
未入境馳檄諭之曰汝等不獲已至此新太守且上轉禍為福
一機也脅從影附亦宜早計去就不然不免矣憐感悟欲自歸
惑謀主不果眾稍引去應澂知其勢解即厲士馬出不意一鼓
擒之

李庭芝耕戰 宋史

李庭芝理宗時鄉舉不行以策干荆帥孟珙請自效珙善相人且夜夢車騎稱李尚書謂已明日庭芝至珙見其魁偉顧諸子曰吾相人多無如李生者其名位當過我時四川有警即以庭芝權施之建始縣庭芝至訓農治兵選壯士雜官軍教之期年民皆知戰守善馳逐無事則植戈而耕兵至則悉出而戰夔帥下其法於所部行之

包恢智葬逆婦 宋史

包恢字宏父理宗時知隆興府時有姑死者假子婦棺以斂家貧不能償婦朔于恢恢怒買一棺給其婦卧棺中以試就掩而葬之

馬光祖請粟救民 宋史

馬光祖理宗時知臨安府浙西安撫使會歲飢榮王府積粟不發屢光祖謁王辭以故明日往亦如之又明日又往卧空次王不得已見馬光祖厲聲曰天下孰不知大王子為儲君大王不於此時收人心乎王以無粟辭光祖探懷中文書曰某注某倉若干王無以辭得粟活民甚多

王存恤民 宋史

王存知開封府京師並河居人盜鑿汴隄以自廣或請令培築復故又按民廬侵官道者使撤之二謀出自中人既有詔美存曰此吾職也入言之即日弛其役都人驩呼相慶

段少連繼詠 宋史

段少連字希逸其母嘗夢鳳集家庭寤而生少連及長美姿表個儻有識度舉服勤詞學為試祕書省校書郎知宗陽縣崇

陽劇邑自張詠為令有治狀其後惟少連能繼其風迹

徐的治欽宋史

徐的字公準擢進士第補欽州軍事推官欽土煩鬱人多死瘴
癘的見轉運使鄭天益請曰徙州瀕水可無患請轉而上聞從
之天益因奏留的使辦役的短衣持鋤與役夫同勞苦築城郭
立樓櫓以備戰守畫地居軍民為府舍倉庫溝渠廩肆之類民
皆便之遷大理寺丞知吳縣移梁山軍通判常州屬歲饑出米
為糜粥以食餓者累遷尚書屯田員外郎知臨江軍擢廣南西
路提點刑獄安化州蠻攻殺將所部卒畏誅謀欲叛的馳至宜
州慰曉之曰爾曹亡懼能出力討賊猶可立功以自贖若朝叛
則夕死非計也眾皆歛手聽命

崔嶧捕盜安民宋史

崔嶧字之才進士及第累官尚書職方員外郎知遂州建議瞿
塘峽置關如劔門以察姦人事既就從提點刑獄嘉陵江歲
調民丁治堤壩嶧更用州兵代其役六州蕃卒數剽攻邊戶守
臣慮生事多以牛酒和遣嶧請守臣歲時得行邊益募勇壯伺
其發一切捕擊之後無復內寇就除轉運使歷三司戶部判官

楊吉擒賊宋史

楊吉字道之調豐城主簿邑有賊終以人投屍于江人知主名而
畏不敢言告聞親往禽賊有言賊欲報怨者告不為動既而果
乘夜欲刺告告又捕得致於法境內肅然

張詠令民拔茶植桑事文類聚

張詠令崇陽民以茶為業公曰茶利原官特權之命拔茶而植
桑民以為苦其後權茶他縣皆失業而崇陽之桑已成其為絹

歲百萬匹

劉彛治邑類事 事文類聚

劉彛移昫山令治簿書郵孤寡平賦歛抑豪猾凡所以惠民無不至也類其事以為一書名曰洪範

燕達破三萬騎 事文類聚

燕達為延州巡檢成懷寧若羗人以三萬騎薄城達以所部五百人破之

鞠真卿治民不鬪 事文類聚

鞠真卿守潤州民有鬪歐者本罪之外別令先歐者出錢與後應者小人斫財無不憤出錢終日紛爭相視無敢下手者

月乃合知務 元史

月乃合字正卿好學負氣父死時年方十七奮然投冠于地曰

吾父死國難吾獨不能紓家難乎今日國兵破汴待母北行艱關鋒鏑中北元憲宗辭容端謹帝嘉其命贊卜只見斷事官事以燕故城為治所月乃合慨然以治理自任政事修舉舉海內賢士楊春卿張孝純輩分布諸郡皆稱得人

張礎論法 元史

張礎字可用世祖中統元年知威州有婦人乘驢過市者按下官暗赤之奴引燕鏑射婦人墜地奴匿暗赤家礎將以其事聞暗赤懼乃出其奴論如法

史輯德政 元史

史楫字大濟為征南萬戶徇地斲苦世祖中統元年授真定路總管同判本道宣撫司事真定表山滹河連屬三十餘城生殺進退咸倚專決楫謹身率先明政化信賞罰任賢良汰貪墨恤

執獨氏成德之所舉州縣佐史有文學者三十餘人後皆知名
會叔父天澤言兵民之柄不可併居一門行之請自臣家始楫
即日解綬歸

姜或制強猾課民桑元史

姜或字文卿世祖中統三年以功授大都督府參議改知濱州
時行營軍士多占民田為牧地縱牛馬壞民禾稼桑桑或言於
中書遣官分畫疆畔捕其強猾不法者實之法乃課民種桑歲
餘新桑徧野人名為太守桑徧野人名為太守桑及遷東平府
判官民遮請留馬為之不行

張懋息盜元史

張懋字之美世祖中統中累授吉州各總管懋惡衣糲食
以儉慎刑平政愛之以公事府治設為倉辦作使不雨也部使

者劉官驛之凡有所懲治朝至夕報豪強竦然郡萬戶蘇良恃
勢為暴為之翼者有十虎之目民甚苦之乃上其實於憲府盡
誅十虎者奪良虎符而黜之民大悅群盜有率眾將白晝劫城
者懋聞之率從騎擣其穴縛其酋長以歸民之流亡與遠郡之
來歸者數千家相率為生祠以祀之

郝彬疑獄捕賊元史

郝彬字景文世祖初年十六克太子宿衛擢揚州路治中宋末
鄆縣賊顧閏聚眾海島時出攻剽宋羈縻以官內附後益橫侵
揚州境彬討禽之泰興人有被殺二年而捕賊不獲者吏誣平
人誅已具彬疑其誣讞之果得真賊

李德輝字仲實元史

李德輝字仲實世祖時為燕京宣撫使燕多劇賊造偽鈔結死